

武林掌故叢編

武林舊事卷第六

四水潛夫輯

諸市

藥市

炭橋

花市

官巷

珠子市

融和坊南官巷

米市

北關外黑橋頭○宋刻北關門外

肉市

大瓦修義坊

菜市

新門東青門霸子頭○宋刻新門外

鮮魚行

候潮門外

魚行

北關外水冰橋○宋刻北關門外

南豬行

候潮門外

北豬行

打豬巷

布市

○便門外橫河頭宋刻布行

蠟行

新門外南上門

花團

官巷口錢塘門外

青果團

候潮門內泥路

柑子團

後市街

薰團

便門外
渾水關

書房

橘園亭

瓦子勾欄

城內祿修內司
城外祿殿前司

南瓦

清冷橋
熙春橋

中瓦

樓三元

大瓦

三橋街亦
名上瓦

北瓦

眾安橋亦
名下瓦

蒲橋瓦

亦名東瓦

便門瓦

便門外

候潮門瓦

候潮門外

小堰門瓦

小堰門前○
宋刻門外

新門瓦

亦名四
通館瓦

薦橋門瓦

薦橋門前
宋刻門外

菜市門瓦

菜市門外

錢湖門瓦

省馬院前

赤山瓦

後軍寨前

行春橋瓦

北郭瓦

又名大通店

米市橋瓦

舊瓦

石板頭

嘉會門瓦

嘉會門外

北關門瓦

又名新瓦

艮山門瓦

艮山門外

羊坊橋瓦

王家橋瓦

龍山瓦

如北瓦羊棚樓等謂之遊棚

宋刻邀棚

外又有勾欄

甚多北瓦內勾欄十三座最盛或有路岐不入

勾欄只在耍鬧寬闊之處

宋刻耍作要

做場者謂之

打野呵此又藝之次者

酒樓

和樂樓

昇陽宮南庫

和豐樓

武林園南上庫○宋刻無南字

中和樓

銀鑾子中庫

春風樓

北庫

太和樓

東庫

西樓

金文西庫○宋刻金文庫

太平樓

豐樂樓

南外庫

北外庫

西溪庫

已上竝官庫屬戶部點檢所每庫設官妓數十人各有金銀酒器千兩以供飲客之用每庫有祇直者數人名曰下番飲客登樓則以名牌點喚侑樽謂之點花牌元夕諸妓皆併番互移他

庫夜賣各戴杏花冠兒危坐花架然名娼皆深
藏邃閣未易招呼凡肴核盃盤亦各隨意攜至
庫中初無庖人官中趁課初不藉此聊以粉飾
太平耳往往皆學舍士夫所據外人未易登也

熙春樓

三元樓

五間樓

賞心樓

嚴廚

花月樓

銀馬杓

康沈店

翁廚

任廚

陳廚

周廚

巧張

日新樓

沈廚

鄭廚

只賣好食雖海
鮮頭羹皆有之

蛇蜥眼

只賣
好酒

張花

已上皆市樓之表表者每樓各分小閣十餘酒
器悉用銀以競華侈每處各有私名坡數十輩
皆時妝絃服巧笑爭妍夏月茉莉盈頭香滿綺
陌凭檻招邀謂之賣客又有小鬟不呼自至歌
吟強聒以求支分謂之擦坐又有吹簫彈阮息
氣鑼板歌唱散耍等人謂之趕趁及有老嫗以
小爐炷香爲供者謂之香婆有以法製青皮杏
仁半夏縮砂豆蔻小蠟茶香藥韻薑砌香橄欖
薄荷至酒閣分俵得錢謂之撒嚙又有賣玉面

狸鹿肉糟決明糟蠓糟羊蹄酒蛤蜊柔魚鰕茸
鱖乾者謂之家風又有賣酒浸江蟠章舉蠓肉
龜腳鎖管蜜丁脆螺鰲醬法鰕子魚鰲魚諸海
味者謂之醒酒口味凡下酒羹湯任意索喚雖
十客各欲一味亦自不妨過賣鐺頭記憶數十
百品不勞再四傳喝如流便卽製造供應不許
少有違悞酒未至則先設看菜數碟及舉盃則
又換細菜如此屢易愈出愈奇極意奉承或少
忤客意及食次少遲則主人隨逐去之歌管歡
笑之聲每夕達旦往往與朝天車馬相接雖風

雨暑雪不少減也

歌館

平康諸坊如上下抱劍營漆器牆沙皮巷清河坊融
和坊新街太平坊巾子巷獅子巷後市街薦橋皆羣
花所聚之地外此諸處茶肆清樂茶坊八仙茶坊珠
子茶坊潘家茶坊連三茶坊連二茶坊及金波橋等
兩河以至瓦市各有等差莫不靚妝迎門爭妍賣笑
朝歌暮絃搖蕩心目凡初登門則有提瓶獻茗者雖
盃茶亦犒數千謂之點花茶茶登樓甫飲一盃則先與
數貫謂之支酒然後呼喚提賣隨意置宴趕趁祇應

撲賣者亦皆紛至浮費頗多或欲更招他妓則雖對街亦呼肩輿而至謂之過街轎前輩如賽觀音孟家蟬吳憐兒等甚多皆以色藝冠一時家甚華侈近世目擊者惟唐安安最號富盛凡酒器沙鑪冰盆火箱妝合之類悉以金銀爲之帳幔茵褥多用錦綺器玩珍奇它物稱是下此雖力不逮者亦競鮮華蓋自酒器首飾被臥衣服之屬各有賃者故凡佳客之至則供具爲之一新非習於遊者不察也

賃物

花轎

酒檐

首飾

衣服

被臥

轎子

布囊

酒器

幃設

動用

盤合

喪具

凡吉凶之事自有所謂茶酒廚子專任飲食請客宴席之事凡合用之物一切賃至不勞餘力雖廣席盛設亦可咄嗟辦也

作坊

熟藥圓散

生藥飲片

麩麵

糰子

饅頭

燻炕鶩鴨

燻炕豬羊

糖蜜棗兒

諸般糖

金橘團

灌肺

餛飩子

箕豆

印馬

蚊煙

都民驕情凡買賣之物多與

宋刻於

作坊行販已成之

物轉求什一之利或有貧而愿者凡貨物盤架之類一切取辦於作坊至晚始以所直償之雖無分文之儲亦可餬口此亦風俗之美也

驕民

都民素驕非惟風俗所致蓋生長輦下勢使之然若住屋則動蠲公私房賃或終歲不償一環諸務稅息亦多蠲放有連年不收一孔者皆朝廷自行抱認諸項窠名恩賞則有黃榜錢雪降則有雪寒錢久雨久

晴則又有賑恤錢米大家富室則又隨時有所資給
大官拜命則有所謂搶節錢病者則有施藥局童幼
不能自育者則有慈幼局貧而無依者則有養濟院
死而無殮者則有漏澤園民生何其幸歟

游手

浩穰之區人物盛夥游手奸黠實繁有徒有所謂美

人局

以媚優爲姬妾
誘引少年爲事

櫃坊賭局

以博戲關撲結
黨手法騙錢

水功

德局

以求官覓舉恩澤遷轉訟事交
易等爲名假借聲勢脫漏財物

不一而足又有

賣買物貨以僞易真至以紙爲衣銅鉛爲金銀土木
爲香藥變換如神謂之白日賊若闐闐之地則有翦

脫衣囊環珮者謂之覓貼兒其他穿窬胠篋各有稱首以至頑徒如攔街虎九條龍之徒尤爲市井之害故尹京政先彈壓必得精悍鉤距長於才術者乃可都轄一房有都轄使臣總轄供申院長以至廂巡地分頭項火下凡數千人專以緝捕爲職其閒雄駟有聲者往往皆出羣盜而內司又有海巡八廂以察之

市食

鵪鶉餠餹兒

肝臟餛飩

香藥灌肺

灌腸

豬胰胡餅

羊脂韭餅

窩絲薑豉

剗子

科斗細粉

玲瓏雙條

七色燒餅

雜燂

金鉞裹蒸

市羅角兒

宋刻
餛兒

寬焦薄脆

糕糜

旋炙犯兒

八槌鶯鴨

宋刻

八槌

炙鷄鴨

燻肝

罐裏燻

燻鰻鱈

燻團魚

煎白腸

水晶膾

煎鴨子

臙馳兒

焦蒸餅

海蜇鮓

薑鰕米

辣壘粉

糖葉子

豆糰

麻糰

螺頭

膘皮

辣菜餅

炒螃蜞

肉葱齏

羊血

鹿肉犯子

果子

阜兒膏

宜利少

瓜萋煎

鮑螺

裹蜜

糖絲線

澤州餻

蜜麻酥

炒團

澄沙團子

十般糖

甘露餅

玉屑糕

宋刻膏

燠木瓜

糖脆梅

破核兒

查條

橘紅膏

荔枝膏

蜜薑豉

韻薑糖

花花糖

二色灌香藕

糖豌豆

芽豆

栗黃

烏李

酪麪

蓼花

蜜彈彈

望口消

桃穰酥

重劑

蜜棗兒

天花餅

烏梅糖

玉柱糖

乳糖獅兒

薄苛蜜

琥珀蜜

餚角兒

諸色糖蜜煎

菜蔬

薑油多

罐花茄兒

辣瓜兒

倭菜

藕鮓

冬瓜鮓

筍鮓

茭白鮓

皮醬